

**Zeitschrift:** Le nouveau conteur vaudois et romand  
**Band:** 86 (1959)  
**Heft:** 9  
  
**Rubrik:** Pages valaisannes  
**Autor:** [s.n.]

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 06.02.2026

**ETH-Bibliothek Zürich, E-Periodica, <https://www.e-periodica.ch>**

# Pages valaisannes



## La Létra...

La ia dza na bouna vouârba qu'avaio zu l'idé de t'écreire, é tu me cugnu é ça mézeu po tenin on mandzo de fortzon ke de manayi on cra'ion, é pi, fo dre assebin k'y tan zu à fire c'teu déra tein : tsabrayi, dédzorâ, rebezi. La senan'na passâie nein prasenô. Ka lé seron femâie, t'einveuiéra on pâ de sefeoé kemein on so onco lé fire vér'neu. Ma féna l'a idé de fire sa pâ (part) avoui on po de ma (miel), ein souveni du bon ieu tein io veu dzeuyivan à la pegniéta amon pé lou Crouzet, de tzautein. Oh ! te so ke ne ça pâ dzaieu d'ailleu té bin troa loein po itré douzereu !...

T'â cugniu ma Rosalie ? Na bouna féna mé l'a bin tchangea déraremein. Figura-te ke neu z'en fi votâ, neu lou z'homo, po sava se n'iran d'acco de bayi à noutré féné le dra (le droit) de vote.

Pourré féné ! Mi (plus) dé dou tié (2/3) l'en voto contre é te dio (dit) bin ke cein n'a pâ totafi conveneu à ma Rosalie ! Lé ke se vise dza pémi lou conseilli, lou député...

Ara, ne peu pâmi suporta la iuva dé z'homo : lou reluque de travé é me tsara'ie to le tein po sava kemein y votô. Me, po pâ lé dépitâ é la vére fire dé « mouliné » avoui le mandzo d'écoeuva, l'a répondo ke saré p't'être bon ke lé féné pussan kemandâ, lo mondo n'ére ke mio, l'a iaré pâmi min

de guéré ce na dien leu ménadzo ! Pisque bâ pe lé z'Amérique, la féné l'en le dra de vote, porî te l'einveuyi avoui son po de ma. Mein pâseiri preu po quâque tein ! Kein dao-to ?

A prepeu de lé « soucoupé volante », ein vadé-veu onco bâ pèr-li ? Nein, rein pêchu vèr neu c'teur'en passô pè lo canton de Vaud. Veniâvan-te de la planète de « Mars » u bin l'ire-te ne face (farce) dé z'Américain ? Le dzeu de voua (aujourd'hui) la ia-te pâ dé savein ke voulon alâ tan ke su la lèna (lune) Dae me vâ, la ia-te pâ gran tein ke lou z'homo son dien la lèna ? Atteindo ta létra ke neu faré bin plisse.

Ton ieu copain : *Basile.*

Pour c. c. : A. Défago.

## Pèla-cocon

Pèla-cocon, on député doeu Granconchè l'eirè dècheindu dè chon petiou veladzo po chè reindrè à l'affeimblô à Chon.

Commin dè cothèma l'avâi chon cha dècötté garni dè chin que cha fenne l'y avâi boutô et que varyève pa dè l'on di coup à l'âtre : on crotzon dè pan dè cheïla, on bocon dè fruit è bein on teinquo dè bacon. Mè à beirè, rein. Adon, quan l'affeimblô l'eirè fourneite, noutr'hommo chè charè volontiè chetto cholet chu lo revon don mour po denâ. Mè voilà, la pllodze tzèyâi commin dè groûche fichelle. Ye l'avâi poueire po chi j'haiïlon dè la dèmeindze : la vesta bron-na à grou boton, li tzaufè ètreitè, la tzevinge dè teïla dè mènadzo bein amidenâye, li tzœufon blan, li bette bachè et lo tzapé nië. Charè-tu troa damadze. Adon li è vènu la bonn'idé dè tornâ à la pintè avoué li jâtre confrère. Dèvan l'a revouadô chin que y'avâi œu fon dœu porta-monneya, et ch'è dè deince que faudrè pa preindrè ple d'on demi-pot dè vin.

Quand l'è-tu chettô, li j'âtre que l'eiront pa accothemô dè lo viè à la pintè, l'on invitô à partadijè la be-vaille et, commin l'eiront einfeimble et contein, chè chont boutô à tzantâ. Tzantâ baillè chài et mé on bei et ple on tzante. Commin noutr'hommo l'avâi pa falta d'ardzein po beirè, l'ètu vite choû et l'avâi mau œu pètro, tan et che bein que l'oujâvè ple bæudjië. L'eirè blan common linfoui dè moo.

La chomelière l'avâi dè tirè com-prei chin que faillivè et ye l'a apportô on pot dè tzambra que li a boutô chu li dzonâi. Lo pouro l'a-tu vargogne dè boffâ dein ch'hell'eije. Dèvan què oujâ l'a demando : « L'è-te vèré que l'é par-mettu dè boffâ dein sta chepière ? »

*Tzevretta.*

### Prédictions pour mai

*(Patois de Savièse)*

Chënt-Orban dzaoué o vèn.

*Saint Urbain (25 mai) gèle le vin (la vigne).*

Kan plou a Sinte-Petronelè e rejën parton ën Gyenelè.

*Quand il pleut à Sainte Pétronille (31 mai), les raisins tombent en guenilles.*

Che plou a Sinte-Petronelè foou trinta dzô pô chètchye è gyenelè.

*S'il pleut à Sainte Pétronille, il faut trente jours pour sécher les guenilles (les habits).*

Che plou ô dzô de Chën-Medâ, i plou karanta dzô mèi tâ.

*S'il pleut le jour de la Saint Médard (8 juin), il pleut quarante jours plus tard.*

Kan chën Mèda tchyè ën ou èivouè foou chën Barnabèi po o teryè foura dè ou èivouè.

*Quand saint Médard (8 juin) tombe à l'eau, il faut saint Barnabé (11 juin) pour le sortir de l'eau.*

### La dernière cuite

*Patois de St-Luc :*

— Ko io charè moor, fèt oung grouj'

amék dou vino, io vouék pa koung m'ën-tèréchè, ma koung mè fajéchè rouék, boulâ.

— Porkouè chënn ?

— E fouri dènkéhè shoûr, d'éthré ma dernière cuité !

— *Lorsque je serai mort, dit un grand ami du vin, je ne veux pas que l'on m'enterre, mais que l'on me brûle.*

— Pourquoi cela ?

— *Parce que je serai au moins sûr que ce sera alors ma dernière cuite !* Ph. Blatter.

### Jolie répartie infantine

I doënta Nanëtta, ën tornen d'ékoûva, tota remôtëka :

— Mâma, konto ky'i rijan'na sâ pâ myë cën kyë dëth !

— Sabèï, porkyè ?

— Vouï, nhô z'a dëth' ky'i tërta lh'ïre rionda !

— Lhè veré, i tërta lh'è rionda !

— Porkyè, adon, djon - tëth' tôdoon : « ëï kâtro kârro düö moûndo ! » ?

*Patoë d'Izërâblho par Djan d'à Gouëtta. La petite Annette, en revenant de l'école toute soucieuse :*

— Maman, je pense que la régente ne ne sait plus ce qu'elle dit !

— Vraiment, pourquoi ?

— Aujourd'hui, elle nous a répété que la terre était ronde !

— C'est vrai, la terre est ronde !

— Pourquoi, alors, disent-ils toujours : « aux quatre coins du monde ! » ?

### En l'honneur de l'« année Mireille »

Une fête provençale vient d'être donnée à Berne en l'honneur de l'« année Mireille » (centenaire de la publication du grand poème de F. Mistral). Il nous a paru que cette solidarité du dialecte bernois, menacé par l'allemand, avec le provençal, menacé par le français, était de nature à intéresser les patoisants romands. Nous reviendrons donc sur cette manifestation dans notre numéro de juin.

E. W.